

晉

書

料

注

晉書斟注卷一百三

錢塘吳士鑑

同注

烏程劉承幹

載記第三

劉曜

劉曜字永明元海之族子也少孤兒養於元海幼而聰

慧有奇度

魏書劉聰傳曰頗知書計志性不恆

年八歲從元海獵于西山

遇雨止樹下迅雷震樹旁人莫不顛仆曜神色自若元

海異之曰此吾家千里駒也從兄爲不亡矣身長九尺

三寸垂手過膝生而眉白目有赤光鬚髯不過百餘根

而皆長五尺性拓落高亮與眾不羣讀書志於廣覽不

精思章句善屬文工草隸雄武過人魏書劉聰傳曰鐵拳勇有膂力

厚一寸射而洞之于時號為神射御覽一百七十七述征記曰廣陽門西南

劉曜壘西曜試弩棚又一百七十八尤好兵書略皆

聞誦常輕侮吳鄧而自比樂毅蕭曹時人莫之許也惟

聰每日永明世祖魏武之流何數公足道哉弱冠游于

洛陽坐事當誅亡匿朝鮮遇赦而歸魏志劉聰傳曰亡匿朝鮮客為縣卒

會赦自以形質異眾恐不容于世隱迹菅涪山山海經曰管涔

之山汾水出焉西流注于河水經汾水篇曰汾水出太原汾陽縣北管涔山注十三州志曰出武州之燕平山

亦管涔之異名也孫潛水經注校本云御覽引云管涔山汾水所出土人以為箕管山見多管草或以為名又

爲管子山元和郡縣圖志十一曰管涔山在靜樂縣北三十里  
管子山元和郡縣圖志十一曰管涔山在靜樂縣北  
稿曰今管涔山縣案管當從山海經水經作管  
以琴書爲事嘗夜閑

居有二童子入跪曰管涔王使小臣奉謁趙皇帝獻劔

一口

元和郡縣圖志十四曰山神使二童子獻劔於曜曰管涔山王使謁趙皇帝獻劔

置前再

拜而去以燭視之劔長二尺光澤非常赤玉爲室背上

有銘曰

元作云

神劔御除眾毒

御覽四十五引前趙錄御上有服字

曜遂服

之劔隨四時而變爲五色元海世頻厯顯職後拜相國

都督中外諸軍事鎮長安靳準之難自長安赴之至于

赤壁太保呼延晏等自平陽奔之與太傅朱紀太尉范

隆等上尊號曜以大興元年僭卽皇帝位

周家祿校勘記曰大興卽

大興大  
宜加點

大赦境內惟準一門不在赦例改元光初以朱

紀領司徒呼延晏領司空范隆以下悉復本位使征北  
劉雅鎮北劉策次于汾陰與石勒爲犄角之勢斬準遣  
侍中卜泰降于勒勒囚泰送之曜謂泰曰先帝末年實  
亂大倫羣閹撓政誅滅忠良誠是義士匡討之秋司空  
執心忠烈行伊霍之權拯濟塗炭使朕及此勲高古人  
德格天地朕方宜濟大艱終不以非命及君子賢人司  
空若執忠誠早迎大駕者政由靳氏祭則寡人以朕此  
意布之司空宣之朝士泰還平陽具宣曜旨準自以殺  
曜母兄沈吟未從尋而喬泰王騰靳康馬忠等殺準

御覽

一百十九引十六國春秋前趙錄作左右車騎喬太王騰推尙書令靳明爲盟主遣卜泰奉傳國六璽降于曜曜大悅謂泰曰使朕獲此神璽而成帝王者子也石勒聞之怒甚增兵攻之明戰累敗遣使求救于曜曜使劉雅劉策等迎之明率平陽士女萬五千歸于曜曜命誅明靳氏男女無少長皆殺之

案列女傳作曜哀靳康女言免康一子與此異

使劉雅迎母胡氏喪于平陽還

葬粟邑墓號陽陵僞諡宣明皇太后僭尊高祖父亮爲

景皇帝曾祖父廣爲獻皇帝祖防懿皇帝考曰宣成皇

帝徙都長安

御覽一百十九引十六國春秋前趙錄曰二年夏四月徙都長安

起光世

殿於前紫光殿於後立其妻羊氏爲皇后子熙爲皇太

子封子襲爲長樂王闡太原王沖淮南王敞齊王高魯  
王徽楚王徵諸宗室皆進封郡王繕宗廟社稷南北郊  
以水承晉金行國號曰趙牲牡尙黑旗幟尙立冒頓配  
天元海配上帝大赦境內殊死已下黃石屠各路松多  
起兵於新平扶風聚眾數千附于南陽王保水經渭水注曰隴山  
西南降隴城有松多川水經注釋曰一清案松多胡名  
也晉大興二年屠各胡松多起兵附晉王保據草壁劉  
曜攻拔之松多奔隴城是也孫潛保以其將楊曼爲雍  
水經注校本曰松多水在今秦安  
州刺史王連爲扶風太守據陳倉張顗爲新平太守周  
庸爲安定太守據陰密松多下草壁秦隴氏羌多歸之  
讀史方輿紀要五十八曰曜遣其車騎劉雅平西劉厚  
草壁戍胡氏曰在陰密東

攻楊曼于陳倉二旬不剋曜率中外精銳以赴之行次  
雍城太史令弁廣明言於曜曰昨夜妖星犯月師不宜  
行乃止勅劉雅等攝圍固壘以待大軍地震長安尤甚  
時曜妻羊氏有殊寵頗與政事陰有餘之徵也三年曜  
發雍攻陳倉曼連謀曰諜者適還云其五牛旗建多言  
胡主自來其鋒恐不可當也吾糧廩旣少無以支久若  
頓軍城下圍人百日不待兵刃而吾自滅不如率見眾  
以一戰如其勝也關中不待檄而至如其敗也一等死  
早晚無在遂盡眾背城而陣爲曜所敗王連死之楊曼  
奔于南氏曜進攻草壁又陷之松多奔隴城進陷安定



保懼遷于桑城氏羌悉從之曜振旅歸于長安署劉雅  
爲大司徒晉將李矩襲金墉剋之曜左中郎將宋始振  
威宋恕降于石勒署其大將軍廣平王岳爲征東大將  
軍鎮洛陽會三軍疫甚岳遂屯澠池石勒遣石生馳應  
宋始等軍勢甚盛曜將尹安趙愼等以洛陽降生岳乃  
班師鎮于陝城西明門內大樹風吹折經一宿樹撥變  
爲人形髮長一尺鬚眉長三寸皆黃白色有斂手之狀  
亦有兩腳著裙之形御覽一百十九引十六惟無目鼻  
國春秋前趙錄裙作履每夜有聲十日而生柯條遂成大樹枝葉甚茂長水校  
尉尹車謀反潛結巴酋徐庫彭曜乃誅車囚庫彭等五

千餘人于阿房將殺之光祿大夫游子遠固諫御覽三百七十九引十六國春秋前趙錄曰游子遠幼姿貌聰亮好學年十五至洛陽張華見而奇之曰此兒雅潔洪方精公才曜不從子遠叩頭流血曜大怒幽子遠而盡殺庫彭也等尸諸街巷之中十日乃投之於水於是巴氏盡叛推巴歸善王句渠知爲主四山羌氏巴羯應之者三十餘萬關中大亂城門晝閉子遠又從獄表諫曜怒甚毀其表曰大荔奴不憂命在須臾猶敢如此嫌死晚邪叱左右速殺之劉雅朱紀呼延晏等諫曰子遠幽而尙諫者所謂忠於社稷不知死之將至陛下縱弗能用柰何殺之若子遠朝誅臣等亦暮死以彰陛下過差之咎天下

之人皆當去陛下蹈西海而死耳陛下復與誰居乎曜  
意解乃赦之於是勅內外戒嚴將親討渠知子遠進曰  
陛下誠能納愚臣之計者不勞大駕親動一月之中可  
使清定曜曰卿試言之子遠曰彼匪有大志希竊非望  
也但逼於陛下峻網耳今死者不可追莫若赦諸逆人  
之家老弱沒奚官者使迭相撫育聽其復業大赦與之  
更始彼生路旣開不降何待若渠知自以罪重不卽下  
者願假臣弱兵五千以爲陛下梟之不敢勞陛下之將  
帥也不爾者今賊黨旣眾彌川被谷雖以天威臨之恐  
非年歲可除曜大悅以子遠爲車騎大將軍開府儀同

三司都督雍秦征討諸軍事大赦境內子遠次于雍城  
降者十餘萬進軍安定氏羌悉下惟句氏宗黨五千餘  
家保于陰密進攻平之遂振旅循隴右陳安郊迎先是  
上郡氏羌十餘萬落保嶮不降酋大虛除權渠自號秦  
王子遠進師至其壁下權渠率眾來距五戰敗之權渠  
恐將降其子伊餘大言於眾曰往劉曜自來猶無若我  
何況此偏師而欲降之率勁卒五萬晨壓壘門左右勸  
戰子遠曰吾聞伊餘之勇當今無敵士馬之彊復非其  
匹御覽三百三十引十六國春秋作吾聞伊餘又其父  
有專諸之勇慶忌之捷士馬之強人百非敵新敗怒氣甚盛且西戎剽勁御覽三百三十引十六  
國春秋作西戎勁悍鋒

銳不可擬也不如緩之使氣竭而擊之

御覽三百三十引十六國春秋

作使氣竭而擊之此曹劌之勝也

乃堅壁不戰伊餘有驕色子遠候其

無備夜誓眾蓐食

御覽三百三十引十六國春秋作夜分誓眾秣馬蓐食

晨大風

霧子遠曰天贊我也躬先士卒埽壁而出遲明覆之

御覽

三百三十引十六國春秋作遲明設覆而戰

生擒伊餘悉俘其眾權渠大懼

被髮割面而降子遠啟曜以權渠爲征西將軍西戎公

分徙伊餘兄弟及其部落二十餘萬口于長安西戎之

中權渠部最强皆稟其命而爲寇暴權渠旣降莫不歸

附曜大悅讌羣臣于東堂語及平生泣然流涕遂下書

曰蓋衰德惟舊聖后之所先念惠錄孤明王之恆典是

以世祖草創河北而致封於嚴尤之孫魏武勒兵梁宋  
追勸於橋公之墓前新贈大司徒烈愍公崔岳中書令  
曹恂晉陽太守王忠太子洗馬劉綬等或識朕於童齒  
之中或濟朕於艱窘之極言念君子實傷我心詩不云  
乎中心藏之何日忘之岳漢昌之初雖有褒贈屬否運  
之際禮章莫備今可贈岳使持節侍中大司徒遼東公  
恂大司空南郡公綬左光祿大夫平昌公忠鎮軍將軍  
安平侯並加散騎常侍但皆丘墓夷滅申哀莫由有司  
其速班訪岳等子孫授以茅土稱朕意焉初曜之亡與  
曹恂奔於劉綬綬匿之於書匱載送於忠忠送之朝鮮

歲餘飢窘變姓名客爲縣卒岳爲朝鮮令見而異之推問所由曜叩頭自首流涕求哀岳曰卿謂崔元嵩不如孫賓碩乎何懼之甚也今詔捕卿甚峻百姓聞元作不聞

可保也此縣幽僻勢能相濟縱有大急不過解印綬與卿俱去耳吾旣門衰無兄弟之累身又薄祜未有兒子卿猶吾子弟也勿爲過憂大丈夫處身立世烏獸投人要欲濟之而況君子乎給以衣服資供書傳曜遂從岳質通疑滯恩顧甚厚岳從容謂曜曰劉生姿宇神調命世之才也四海脫有微風搖之者英雄之魁卿其人矣曹恂雖於屯厄之中事曜有君臣之禮故皆德之曜立

太學於長樂宮東小學於未央宮西簡百姓年二十五  
已下十三已上神志可教者千五百人選朝賢宿儒明  
經篤學以教之以中書監劉均領國子祭酒置崇文祭  
酒秩次國子散騎侍郎董景道以明經擢爲崇文祭酒  
以游子遠爲大司徒曜命起鄴明觀立西宮建陵霄臺  
於瀟池御覽一百七十五趙書曰劉曜召構殿巧手三千人發陽平等十郡車牛五千乘運土築建德  
臺又將於霸陵西南營壽陵侍中喬豫和苞上疏諫曰  
隋志霸史類和苞漢趙記十卷唐志作十二卷宋志止一卷史通正史篇曰劉曜時平與子和苞撰漢趙記十  
篇事止當年不終曜滅忤時篇臣聞人主之興作也必  
曰劉石僭號方委策於和張仰準乾象俯順人時是以衛文承亂亡之後宗廟社稷



流漂無所而猶上候營室以構楚宮彼其急也猶尙若  
茲故能興康叔武公之迹以延九百之慶也奉詔書將  
營鄴明觀市道芻蕘咸以非之曰一觀之功可以平涼  
州矣又奉勅旨復欲擬阿房而建西宮模瓊臺而起陵  
霄此則費萬鄴明功億前役也以此功費亦可以吞吳  
蜀翦齊魏矣陛下何爲於中興之日而蹤亡國之事自  
古聖王人誰無過陛下此役實爲過舉過貴在能改終  
之實難又伏聞勅旨將營建壽陵周迴四里御覽一百十九引十  
六國春秋前趙錄下深二十五丈以銅爲棺槨黃金飾  
四里作四十里之恐此功費非國內所能辦也且臣聞堯葬穀林市不

改肆顓頊葬廣陽

御覽一百十九引十六國春秋前趙錄誤作高陽水經洪水注曰洪水又

北逕白祀山東歷廣陽里逕顓頊冢西注云俗謂之殷

王陵非也帝王世紀曰顓頊葬東郡頓邱城南廣陽里

大冢者下不及泉聖王之於

一作所

終也如是秦皇下銅三

泉周輪七里

御覽一百十九引十六國春秋前趙錄輪作逾

身亡之後毀不旋

踵闇主之於終也如此向魑石椁孔子以爲不如速朽

王孫保葬識者嘉其矯世自古無有不亡之國不掘之

墓故聖王知厚葬之招害也故不爲之臣子之於君父

陵墓豈不欲高廣如山岳哉但以保全始終安固萬世

爲優耳興亡奢儉固然於前惟陛下覽之隴大悅下書

曰二侍中懇懇有古人之風烈矣可謂社稷之臣也非

二君朕安聞此言乎以孝明於承平之世四海無虞之日尙納鍾離一言而罷北宮之役況朕之聞眇當今極弊而可不敬從明誨乎今勅悉停壽陵制度一遵霸陵之法詩不云乎無言不酬無德不報其封豫安昌子苞平輿子並領諫議大夫可敷告天下使知區區之朝思聞過也自今政法有不便於時不利社稷者其詣闕極言勿有所諱省鄭水園以與貧戶終南山崩長安人劉終於崩所得白玉方一只  
有文字曰皇亡皇亡敗趙昌井水竭構五梁  
呬西小衰困踞喪嗚呼嗚呼赤牛奮鞞其盡乎時羣臣咸賀以爲勒滅之徵  
曜大悅齋七日而

後受之於太廟

書鈔一百三十一趙書曰劉曜於龍門河水得一玉璽文曰永融剋昌曜以

爲天賜劍璽齋九日而受之案此二事相類故附大赦注之天賜劍璽卽謂管涔王獻劍與得此玉璽也

境內以終爲奉瑞大夫中書監劉均進曰臣聞國主山川故山崩川竭君爲之不舉終南京師之鎮國之所瞻無故而崩其凶焉可極言昔三代之季其災也如是今朝臣皆言祥瑞臣獨言非誠上忤聖旨下違眾議然臣不達大理竊所未同何則王之於山石也猶君之於臣下山崩石壞象國傾人亂皇亡皇亡敗趙昌者此言皇室將爲趙所敗趙因之而昌今大趙都於秦雍而勒跨全趙之地趙昌之應當在石勒不在我也井水竭構五

梁者井謂東井秦之分也五謂五車梁謂大梁五車大  
梁趙之分也此言秦將竭滅以構成趙也呬者歲之次  
名作呬也言歲馭作呬酉之年當有敗軍殺將之事困  
謂困敦歲在子之年名玄囂亦在子之次言歲馭於子  
國當喪亡赤牛奮鞠謂赤奮若在丑之歲名也牛謂牽  
牛東北維之宿丑之分也言歲在丑當滅亡盡無復遺  
也水經渭水注作此國滅之象其可賀乎此其誠悟蒸蒸欲陛下勤脩德  
化以禳之縱爲嘉祥尙願陛下夕惕以荅之書曰雖休  
勿休願陛下追蹤周旦盟津之美捐鄙號公夢廟之凶  
謹歸沐浴以待妖言之誅曜撫然改容御史劾均狂言

瞽說誣罔祥瑞請依大不敬論曜曰此之災瑞誠不可  
知深戒朕之不德朕收其忠惠多矣何罪之有乎曜親  
征氏羌仇池楊難敵率眾來距前鋒擊敗之難敵退保  
仇池仇池諸氏羌多降於曜曜後復西討楊韜于南安  
韜懼與隴西太守梁勣等降于曜皆封列侯使侍中喬  
豫率甲士五千遷韜等及隴右萬餘戶于長安曜又進  
攻仇池時曜寢疾兼癘疫甚議欲班師恐難敵躡其後  
乃以其尙書郎王獫爲光國中郎將使于仇池以說難  
敵難敵於是遣使稱藩曜大悅署難敵爲使持節侍中  
假黃鉞都督益寧南秦涼梁巴六州隴上西域諸軍事

上大將軍益寧南秦三州牧領護南氏校尉寧羌中郎

將武都王子弟爲公侯列將二千石者十五人

華陽國志二曰

左賢王劉曜破長安丞相平昌公上隴據天水茂搜數饋平昌公拜茂搜長子難敵征南將軍少子堅頭龍驤將軍案載記不言爲

征南將軍蓋有闕略

陳安請朝曜以疾篤不許安怒且

以曜爲死也遂大掠而歸曜疾甚篤馬輿而還使其將呼延寔監輜重於後陳安率精騎要之于道寔奔戰無路與長史魯憑俱沒于安安囚寔而謂之曰劉曜已死子誰輔哉孤當與足下終定大業寔叱安曰狗輩汝何人榮寵處不疑之地前背司馬保今復如此汝自視何如主上憂汝不久梟首上邽通衢何謂大業可速殺我

懸我首於上邽東門觀大軍之入城也安怒遂殺之以  
魯憑爲參軍又遣其弟集及將軍張明等率騎二萬追  
曜曜衛軍呼延瑜逆戰擊斬之悉俘其眾安懼馳還上  
邽曜至自南安陳安使其將劉烈趙罕襲阡城拔之西  
州氏羌悉從安安士馬雄盛眾十餘萬自稱使持節大  
都督假黃鉞大將軍雍涼秦梁四州牧涼王以趙纂爲  
相國領左長史魯憑對安大哭曰吾不忍見陳安之死  
也安怒命斬之憑曰死自吾分懸吾頭於秦州通衢觀  
趙之斬陳安也遂殺之曜聞憑死悲慟曰賢人者天下  
之望也害賢人是塞天下之情夫承平之君猶不敢乖



臣妾之心況於四海乎陳安今於招賢採哲之秋而害君子絕當時之望吾知其無能爲也休屠王石武以桑城降曜大悅署武爲使持節都督秦州隴上雜夷諸軍事平西大將軍秦州刺史封酒泉王曜后羊氏死僞諡獻文皇后羊氏內有特寵外參朝政生曜三子熙襲闡曜始禁無官者不聽乘馬祿八百石已上婦女乃得衣錦繡自季秋農功畢乃聽飲酒宗廟社稷之祭不得殺牛周家祿校勘記曰當云非宗廟社稷之祭不得殺牛故下云犯者皆死不然宗廟社稷之祭有國者主之又誰得而犯犯者皆死曜臨太學引試學生之上第者其禁令耶

拜郎中武功男子蘇撫陝男子伍長平並化爲女子石

言於陝若言勿束者曜將葬其父及妻親如粟邑以規

度之負土爲墳其下周迴二里作者繼以脂燭忽呼之

聲盈于道路

魏書劉聰傳曰營其父及妻二塚周回二里迫督役徒繼以脂燭百姓噪哭盈於道

路又更增九十八尺冢前石人有聲言慎

游子遠諫曰臣聞聖主明王忠臣

孝子之於終葬也棺足周身椁足周棺藏足周椁而已

不封不樹爲無窮之計伏惟陛下聖慈幽被神鑒洞遠

每以清儉恤下爲先社稷資儲爲本今二陵之費至以

億計計六萬夫百日作所用六百萬功二陵皆下鋼三

泉

魏書劉聰傳下鋼作下洞

上崇百尺積石爲山增土爲阜發掘古

冢以千百數

御覽八百七十六引十六國春秋曰劉曜葬其父母費用億計發掘古冢暴骸原野

哭聲盈衢大霖雨  
震曜父墓門屋

役夫呼嗟氣塞天地暴骸原野哭聲

盈衢臣竊謂無益於先皇先后而徒喪國之儲力陛下  
脫仰尋堯舜之軌者則功不盈百萬費亦不過千計下  
無怨骨上無怨人先帝先后有太山之安陛下饗舜禹  
周公之美惟陛下察焉曜不納乃使其將劉岳等帥騎  
一萬迎父及弟暉喪於太原疫氣大行死者十三四上  
洛男子張盧死二十七日有盜發其冢者盧得蘇曜葬  
其父墓號永垣陵葬妻羊氏墓號顯平陵大赦境內殊  
死已下賜人爵二級孤老貧病不能自存者帛各有差  
太寧元年陳安攻曜征西劉貢於南安休屠王石武自

桑城將攻上邽以解南安之圍安問之懼馳歸上邽遇於瓜田武以眾寡不敵奔保張春故壘安引軍追武曰叛逆胡奴要當生縛此奴然後斬劉貢武閉壘距之貢敗安後軍俘斬萬餘安馳還赴救貢逆擊敗之俄而武騎大至安眾大潰收騎八千奔于隴城貢乃留武督後眾躬先士卒戰輒敗之遂圍安于隴城

御覽二百九十九蕭方等三十

國春秋曰陳安奔隴城前趙將劉貢馳將追之石虎止貢曰窮寇歸兵不可追也我士卒連勝皆已怠矣以驕急之卒當致死之眾恐無萬全之利貢曰不然彼銳氣盡矣眾心乖沮人懷苟免莫有關志我卒乘猛氣甚盛皆一當十豈其衰沮之餘所能抗也貢躬先士卒戰輒敗之遂圍安于隴城又四百六十五趙書曰劉曜討陳安於隴城安下小將劉牙趙牢路松多堅戍不下城內得安死力案貢與貢以形近致謫石虎唐人避諱改石

武與石季龍同名水經禹貢山水澤地所在注曰都野澤水又東北逕馬城東城卽休屠縣之故城也本匈奴休屠王都讀史方輿紀要六十三曰休屠城在大雨霖涼州衛東十六國疆域志日上邦有張春故壘

震曜父墓門屋大風飄發其父寢堂于垣外五十餘步

曜避正殿素服哭于東堂五日御覽七百六十七晉中興書曰泰寧元年五月

大迴風吹劉曜太廟瓦垣外數十步其藥梁拱桷無離者瓦亦不毀曜素服五日又八百七十六引十六國春

秋日松柏眾木植已使其鎮軍劉襲太常梁胥等繕復成林至是悉枯死

之松柏眾木植已成林至是悉枯署其大司馬劉雅爲

太宰加劔履上殿入朝不趨讚拜不名給千兵百騎甲

仗百人入殿增班劔六十人前後鼓吹各二部曜親征

陳安圍安于隴城安頻出挑戰累擊敗之斬獲八千餘

級右軍劉榦攻平襄剋之隄上諸縣悉降曲赦隄右殊  
死已下惟陳安趙募不在其例安留楊伯支姜冲兒等  
守隄城帥騎數百突圍而出欲引上邽平襄之眾還解  
隄城之圍安既出知上邽被圍平襄已敗乃南走陝中  
隄使其將軍平先上中伯率勁騎追安頻戰敗之俘斬  
四百餘級安與壯士十餘騎於陝中格戰安左手奮七  
尺大刀右手執丈八蛇矛類聚六十御覽三百五十四  
靈鬼志曰有給使陳安者常  
乘一赤馬俊快非常雙手持二刀近交則刀矛俱發輒  
皆長七尺馳馬運刀所向披靡  
害五六遠則雙帶鞬服左右馳射而走御覽七百四十  
四引十六國春  
秋趙錄五六作六平先亦壯健絕人勇捷如飛與安搏  
七鞬服作兩鞬

戰三交奪其蛇矛而退會日暮雨甚安棄馬與左右五

六人步踰山嶺匿于溪澗翌日尋之遂不知所在會連

雨始霽輔威呼延清尋其徑迹斬安于澗曲

通鑑晉紀作呼延青

人曜大悅安善於撫接吉凶夷險與眾同之及其死隴

上歌之曰隴上壯士有陳安軀軀雖小腹中寬

書鈔一百二十一

四引靈鬼志作頭小而狹腹中寬類聚十九引趙書隴

上壯士作隴城健兒惟誤在諸日之上御覽四百六十

五亦引作健兒軀幹作體幹又六十引靈鬼志作隴上

健兒字陳安頭細面狹腸中寬又四百九十六引和苞

漢趙記亦愛養將士同心肝驛驄父馬鐵瑕鞍御覽三百五十

三引趙書作驛驄馬鐵鏤鞍又四七尺大刀奮如湍御覽

百六十五引作驛驄駿馬鐵鍔鞍書鈔一百一十

四百六十五引趙書丈八蛇矛左右盤書鈔一百一十

作七尺大刀配齊鎧四引靈鬼志蛇

予作大稍類聚六十御覽三百  
五十四引靈鬼志又作大槩  
十盪十決無當前戰始

三交失蛇矛棄我驍驄竄巖幽  
御覽四百六十五引作  
十盪十決無當前百騎

俱出如雲浮追者千萬騎悠悠  
收三騎伍射修戰始三

交失蛇矛十騎俱盪九騎留奔  
我驍驄攀巖悲天大降

雨迢者休阿阿鳴呼奈  
爲我外援而懸頭西流之水東

子何鳴呼阿阿奈子何  
流河一去不還奈子何曜聞而嘉傷命樂府歌之楊伯

支斬姜冲兒以隴城降宋亭斬趙募以上邽降徙秦州

大姓楊姜諸族二千餘戶于長安氏羌悉下並送質任

時劉岳與涼州刺史張茂相持于河上曜自隴長驅至

西河戎卒二十八萬五千臨河列營百餘里中鍾鼓之

聲沸河動地自古軍旅之盛未有斯比茂臨河諸戎皆



望風奔退揚聲欲百道俱渡直至姑臧涼州大怖人無  
固志諸將咸欲速濟曜曰吾軍旅雖盛不踰魏武之東  
也畏威而來者三有二焉中軍宿衛已皆疲老不可用  
也張氏以吾新平陳安師徒殷盛以形聲言之非彼五  
郡之眾所能抗也必怖而歸命受制稱藩吾復何求卿  
等試之不出中甸張茂之表不至者吾爲負卿矣茂懼  
果遣使稱藩獻馬一千五百匹牛三千頭羊十萬口黃  
金三百八十斤銀七百斤女妓二十人及諸珍寶珠玉  
方域美貨不可勝紀曜大悅使其大鴻臚田崧署茂使  
持節假黃鉞侍中都督涼南北秦梁益巴漢隴右西域

雜夷匈奴諸軍事太師領大司馬涼州牧領西域大都

護護氏羌校尉涼王曜至自河西遣胡元增其父及妻

墓高九十尺

晉鈔一百六十崔鴻前趙錄曰劉曜遣將作大匠勳胡元增永吳之鵠光顯平二陵

高九十尺

豕前石人若楊難敵以陳安既平內懷危懼有言慎聲胡元親聞之

奔于漢中

華陽國志二日時平昌公爲劉曜所破陳安作賊於時并氏使如一國茂搜死敵堅代爲

主數歲劉曜自攻武都敵堅南奔

鎮西劉厚追擊之獲其輜重千餘兩

士女六千餘人還之仇池曜以大鴻臚田崧爲鎮南大

將軍益州刺史鎮仇池以劉岳爲侍中都督中外諸軍

事進封中山王初靳準之亂曜世子盾沒于黑匿郁鞠

部至是盾自言郁鞠大驚資給衣馬遣子送之曜對盾

悲慟嘉郁勒忠款署使持節散騎常侍忠義大將軍左  
賢王肩字義孫美姿貌善機對年十歲身長七尺五寸  
眉鬢如畫聰奇之謂曜曰此兒神氣豈同義真乎固當  
應爲卿之冢嫡卿可思文王廢伯邑考立武王之意也  
曜曰臣之藩國僅能守祭祀便足矣不可以亂長幼之  
倫也聰曰卿勲格天地國兼百城當世祚太師受專征  
之任五侯九伯得專征之者卿之子孫柰何言同諸藩  
國也義真旣不能遠追太伯高讓之風吾不過爲卿封  
之以一國義真曜子儉之字也於是封儉爲臨海王立  
肩爲世子肩雖少離屯難流躋殊荒而風骨俊茂爽明

卓然身長八尺三寸髮與身齊多力善射驍捷如風雲  
曜因以重之其朝臣亦屬意焉曜於是顧謂羣下曰義  
孫可謂歲寒而不凋涅而不淄者矣義光雖先已樹立  
然冲幼儒謹恐難乎爲今世之儲貳也懼非所以上固  
社稷下愛義光義孫年長明德又先世子也朕欲遠追  
周文近蹤光武使宗廟有太山之安義光饗無疆之福  
於諸卿意如何其太傅呼延晏等咸曰陛下遠擬周漢  
爲國家無窮之計豈惟臣等賴之實亦宗廟四海之慶  
左光祿卜泰太子太保韓廣等進曰陛下若以廢立爲  
是也則不應降日月之明垂訪羣下若以爲疑也固思

聞臣等異同之言竊以誠廢太子非也何則昔周文以  
未建之前擇聖表而超樹之可也光武緣母色而廢立  
豈足爲聖朝之模範光武誠以東海纂統何必不如明  
帝皇子胤文武才略神度弘遠信獨絕一時足以擬蹤  
周發然太子孝友仁慈志尙冲雅亦足以堂負聖基爲  
承平之賢主何況儲宮者六合人神所繫望也不可輕  
以廢易陛下誠實爾者臣等有死而已未敢奉詔曜默  
然胤前泣曰慈父之於子也當務存尸鳩之仁何可替  
熙而立臣也陛下謬恩乃爾者臣請死於此以明赤心  
且陛下若愛忘其醜以臣微堪指授亦當能輔導義光

卽遵聖軌因歔歔流涕悲感朝臣曜亦以太子羊氏所  
生羊有寵哀之不忍廢乃止追謚前妻卜氏爲元悼皇  
后屑之母也卜泰屑之舅曜嘉之拜上光祿大夫儀同  
三司領太子太傅封屑爲永安王署侍中衛大將軍都  
督二宮禁衛諸軍事開府儀同三司錄尙書事領太子  
太傅號曰皇子命熙於屑盡家人之禮時有鳳皇將五  
子翔於故未央殿五日悲鳴不食皆死曜立后劉氏石  
勒將石他自鴈門出上郡襲安國將軍北羌王益句除  
俘三千餘落獲牛馬羊百餘萬而歸曜大怒投袂而起  
是日次于渭城遣劉岳追之曜次于富平爲岳聲援岳

及石他戰于河濱敗之

讀史方輿紀要六十一曰河濱成在故勝州東南古榆林縣地

或曰古河濱成也

斬他及其甲士一千五百級赴河死者五千

餘人悉收所虜振旅而歸楊難敵自漢中還襲仇池剋之執田崧立之於前難敵左右叱崧令拜崧瞋目叱之曰氏狗安有天子牧伯而向賊拜乎難敵曰子岱吾當與子終定大事子謂劉氏可爲盡忠吾獨不可乎崧厲色大言曰若賊氏奴才安敢欲希覬非分吾寧爲國家鬼豈可爲汝臣何不速殺我顧排一人取其劍前刺難敵不中爲難敵所殺曜遣劉岳攻石生于洛陽配以近郡甲士五千宿衛精卒一萬濟自盟津鎮東呼延謨率

荆司之眾自嶠澠而東岳攻石勒盟津石梁二戍剋之  
斬獲五千餘級進圍石生于金墉石季龍率步騎四萬  
入自成皋關岳陳兵以待之戰于洛西岳師敗績岳中  
流矢退保石梁季龍遂塹柵列圍過絕內外岳眾飢甚  
殺馬食之季龍又敗呼延謨斬之曜親率軍援岳季龍  
率騎三萬來距曜前軍劉黑大敗季龍將石念于八特  
坂周家祿校勘記曰念卽石聰當作聰讀史方輿紀要  
四十八日八特坂在新安縣東水經注灤水經新安  
縣東南東北流經函曜次于金谷夜無故大驚軍中潰  
散乃退如澠池夜中又驚士卒奔潰遂歸長安季龍執  
劉岳及其將王騰等八十餘人并氏羌三千餘人送于



襄國坑士卒一萬六千曜至自澠池素服郊哭七日乃入城武功豕生犬上邽馬生牛及諸妖變不可勝記曜命其公卿各舉博識直言之士一人司馬劉均舉參軍臺產曜親臨東堂遣中黃門策問之產極言其故曜覽而嘉之引見東堂訪以政事產流涕獻欬具陳災變之禍政化之闕辭旨諒直曜改容禮之卽拜博士祭酒諫議大夫領太史令其後所言皆驗曜彌重之歲中三遷厯位尙書光祿大夫太子少師位特進曜署劉楨爲大司馬進封南陽王以漢陽諸郡十三爲國置單于臺于渭城拜大單于置左右賢王已下皆以胡羯鮮卑氏羌

豪桀爲之曜自還長安憤悲發病至是疾瘳曲赦長安  
殊死已下署其汝南王劉咸爲太尉錄尙書事光祿大  
夫劉綬爲大司徒卜泰爲大司空曜妻劉氏疾甚曜親  
省臨之問其所欲言劉泣曰妾叔父昶無子妾少養於  
叔恩撫甚隆無以報德願陛下貴之妾叔愷女芳有德  
色願備後宮曜許之言終而死僞諡獻烈皇后以劉昶  
爲使持節侍中大司徒錄尙書事進封河南郡公封昶  
妻張氏爲慈鄉君立劉愷女芳爲皇后

御覽一百四十二引十六國春秋

秋前趙錄曰劉皇后侍中愷女年十三長七尺八寸手垂過膝髮與身齊姿德才色邁於別后案愷與愷未知孰是追念劉氏之言也俄署驃騎劉述爲大司徒劉昶爲

太保召公卿已下子弟有勇幹者爲親御郎被甲乘鎧馬動止自隨以充折衝之任尙書郝述都水使者支當等固諫曜大怒鳩而殺之咸和三年夜夢三人金面丹脣東向逡巡不言而退曜拜而履其跡旦召公卿已下議之朝臣咸賀以爲吉祥惟太史令任義進曰三者厯運統之極也東爲震位王者之始次也金爲兌位物衰落也脣丹不言事之畢也逡巡揖讓退舍之道也爲之拜者屈伏於人也履跡而行慎不出疆也東井秦分也五車趙分也秦兵必暴起亡主喪師留敗趙地遠至三年近七百日其應不遠願陛下思而防之曜大懼於是

躬親二郊飾繕神祠望秩山川靡不周及大赦殊死已  
下復百姓租稅之半長安自春不雨至於五月曜遣其  
武衛劉朗率騎三萬襲楊難敵于仇池弗剋掠三千餘  
戶而歸張駿聞曜軍爲石氏所敗乃去曜官號復稱晉  
大將軍涼州牧遣金城太守張閼及枹罕護軍辛晏將  
軍韓璞等晉書校文五曰攷張駿傳是役駿所遣將有武興太守辛嚴無枹罕護軍辛晏率眾  
數萬人自大夏攻掠秦州諸郡曜遣劉楨率步騎四萬  
擊之夾洮相持七十餘日冠軍呼延那雞率親御郎二  
千騎絕其運路楸濟師逼之璞軍大潰奔還涼州楸追  
之及于令居斬級二萬張閼辛晏率眾數萬降于曜皆

拜將軍封列侯石勒遣石季龍率眾四萬自軹關西入  
伐曜河東應之者五十餘縣進攻蒲坂曜將東救蒲坂  
懼張駿楊難敵承虛襲長安遣其河閒王述發氐羌之  
眾屯于秦州曜盡中外精銳水陸赴之自衛關北濟御覽  
一百十九引十六國春秋前趙錄衛關作潼關季龍懼  
讀史方輿紀要五十二曰衛關史誤作衛關引師而退追之及于高候大戰敗之斬其將軍石瞻枕  
尸二百餘里收其資仗億計季龍奔于朝歌曜遂濟自  
太陽攻石生于金墉地理志作大陽書鈔一百十三晉中興書曰劉曜進圍石生于金墉  
城守百餘日御覽三百二十六引二石偽事曰劉曜躬  
領將士二十七萬眾大舉征勒勒養子生爲衛將軍領  
三千人鎮洛金墉城曜攻生城不能下不覺勒軍卒至  
讀史方輿紀要四十八曰大陽津在陝州西北三里黃

河津濟之處

決千金竭以灌之曜不撫士眾專與嬖臣飲博

左右或諫曜怒以爲妖言斬之大風拔樹昏霧四塞聞

季龍進據石門續知勒自率大眾已濟始議增滎陽戍

杜黃馬關

水經河水五注曰河水右逕黃馬阪北謂之黃馬關又東逕旋門阪北讀史方輿紀要四

十七日黃馬關在汜水縣西十五里俄而洛水候者與勒前鋒交戰擒羯

送之曜問曰大胡自來邪其眾大小復如何羯曰大胡

自來軍盛不可當也曜色變使攝金墉之圍

魏書劉聰傳攝作解

陳于洛西南北十餘里曜少而淫酒末年尤甚勒至曜

將戰飲酒數斗常乘赤馬無故踟頓乃乘小馬比出復

飲酒斗餘至於西陽門搗

元作

陣就平勒將石堪因而乘

之師遂大潰曜昏醉奔退馬陷石渠墜于冰上被瘡十  
餘通中者三爲堪所執送于勒所御覽六十八田融趙書曰劉曜攻石勒將  
戰曜飲醉乘大赤馬無故蹣躅不可近於是退赤馬及  
合陣敗走曜體素壯馬小不勝陷冰爲石堪所擒也又  
三百二十六引二石僞事曰天曉曜軍當攻金城勒軍  
入正與曜軍相遇卽交戰曜軍大破登時生擒曜身  
曜曰石王憶重門之盟不勒使徐光謂曜曰御覽三百五十九趙  
書曰徐光字季武頓丘人父以牛醫爲業年十四五爲  
將軍王陽秣馬但書馬柳屋柱爲詩頌不視馬事又二  
百二十後趙錄曰光但書柱作詩賦左右以今日之事  
白勒勒令召光付紙筆光立爲頌賜衣服  
天使其然復云何邪幽曜于河南丞廨使金瘡醫李永  
療之歸于襄國曜瘡甚勒載以馬輿使李永與同載北  
苑市三老孫機上禮求見曜勒許之機進酒于曜曰僕

谷王闕右稱帝皇當持重保土疆輕用兵敗洛陽祚運  
窮天所亡開大分持一觴曜曰何以健邪當爲翁飲勒  
聞之悽然改容曰亡國之人足令老叟數之舍曜于襄  
國永豐小城給其妓妾嚴兵圍守遣劉岳劉震等乘馬  
從男女衣帽以見曜曜曰久謂卿等爲灰土石王仁厚  
全宥至今而我殺石生負盟之甚十七史商榷五十二  
日石生當作石他上  
文言石勒將石他自雁門出上郡襲安國將軍北羌王  
俘三千餘落而歸曜怒遣劉岳追之及石他戰於河濱  
敗之斬他若石生則鎮關中爲石季龍所攻其部下殺  
之於雞頭山事見後載記五石宏傳中其時去劉曜爲  
石勒所殺已甚久案周家祿校勘記今日之禍自其分  
謂石生爲石瞻之誤不及王氏爲稿  
耳留宴終日而去勒諭曜與其太子熙書御覽一百十  
九引十六國



春秋前趙錄熙作毗凡令速降之曜但勅熙與諸大臣  
下文熙字亦均作毗

匡維社稷勿以吾易意也勒覽而惡之後爲勒所殺熙  
及劉盾劉咸等議西保秦州尙書胡勳曰今雖喪主國  
尙全完將士情一未有離叛可共并力距險走未晚也

盾不從怒其沮眾斬之遂率百官奔于上邽魏書劉聰傳作曜子

毗率百官棄長安西走秦州案御覽引十六國春秋劉熙作毗魏書亦作毗字熙與毗字形不類未知孰誤

厚劉策皆捐鎮奔之關中擾亂將軍蔣英辛恕擁眾數十萬據長安遣使招勒勒遣石生率洛陽之眾以赴之  
盾及劉遵率眾數萬自上邽將攻石生于長安隴東武  
都安定新平北地扶風始平諸郡戎夏皆起兵應盾盾

次于仲橋

讀史方輿紀要五十三曰仲橋城在醴泉縣東三十里胡氏曰鄭國渠經仲山下渠上有

橋謂之仲橋

石生固守長安勒使石季龍率騎二萬距

在九畹山東

讀史方輿紀要五十七曰義渠城在涇州西北春秋時爲義渠國

爲季龍

所敗死者五千餘人盾奔上邽季龍乘勝追戰枕尸千

里上邽潰季龍執其僞太子熙南陽王劉盾并將相諸

王等及其諸卿校公侯已下三千餘人皆殺之徙其臺

省文武關東流人秦雍大族九千餘人于襄國又坑其

王公等及五郡屠各五千餘人于洛陽曜在位十年而

敗始元海以懷帝永嘉四年僭位至曜三世凡二十有

七載以成帝咸和四年滅

御覽一百十九引十六國春秋前趙錄作二十有六載案

元海於永興元年僭漢王位年號元熙永嘉二年僭皇帝位至咸和四年實二十六年劉聰僭號則在永嘉四年史文誤以元海當之與元海載記自相牴牾若以元海僭皇帝位爲始則至咸和四年共二十二年皆非二十七年載也

史臣曰彼戎狄者人面獸心見利則棄君親臨財則忘仁義者也投之遐遠猶懼外侵而處以封畿窺我中囂昔者幽后不綱胡塵暗於戲水襄王失御戎馬生于闕洛至于算強弱妙兵權愷興衰知利害於我中華未可量也況元海人傑必致青雲之上許以殊才不居庸劣之下是以策馬鴻騫乘機豹變五部高嘯一旦推雄皇枝相害未有與之爭衡者矣伊秩啟興王之略骨都論

剋定之秋單于無北顧之懷獫狁有南郊之祭大哉天  
地茲爲不仁矣若乃習以華風溫乎雅度兼其舊俗則  
罕規模雖復石勒稱藩王彌效款終爲夷狄之邦未辨  
君臣之位至於不遠儒風虛襟正直則昔賢所謂并仁  
義而盜之者焉僞主斯亡立明篡嗣樹恩戎旅旣總威  
權關河開曩日之疆士馬倍前人之氣然則信不由中  
自乖弘遠貌之爲美處事難終縱武窮兵殘忠害譽佞  
人方轡並后載馳闔豎類於迴天凝科踰於炮烙遣豺  
狼之將逐鷹犬之師懸旌俯渭分麾陷洛鐵馬陵山胡  
笳遵渚粉忠貞於戎手聚指紳於京觀先王并賦乃眷

維桑舊都宮室咸成茂草墜露沾衣行人洒泪若乃上古敦龐不親其子功成高讓歸諸有德爰及三代乃用干戈將以拯厥版蕩恭膺天命懿彼武王殷之列辟載旆乘時興兵誓野投焚旣隕可以絕言而輕呂旁揮彤弧三發豈若響清蹕於常道之門馳金車於山陽之館故知黔首來蘇居今愛古白旗陳肆古不如今胡寇不仁有同豺豕役天子以行觴驅乘輿以執蓋庾珉之淚旣盡辛賓加之以血若乃有生之貴處死爲難弘在三之義忘七尺之重主憂之恨畢命同歸自古篡奪於斯爲甚是以災氣呈形賊臣苞亂荒政民散可以危亡劉

聰竟得壽終非不幸也曜則天資虓勇運偶

元祐遇

時艱用

兵則王翦之倫好殺亦董公之亞而承基醜類或有可  
稱子遠納忠高旌蹙偃和苞獻直鄴明罷觀而師之所  
慮荆棘生焉自絕疆藩禍成勁敵天之所厭人事以之  
駭戰士而宵奔酌戎杯而不醒有若假手同乎拾芥豈  
石氏之興歟何不支之甚也

贊曰惟皇不範邇甸居穹丹朱罕嗣冒頓爭雄胡旌颺  
月朔馬騰風埃塵淮浦虓呼河宮未央朝寂諺門旦空  
郭欽之慮辛有知戎

晉書斟注卷一百三

晉書附注卷一百四

錢塘吳士鑑

同注

烏程劉承幹

載記第四

石勒上

石勒字世龍初名匄

魏書石勒傳作小字匄勒諸史攷異十日匄匄聲之轉而字各異集

韻人名晉有匄督見石勒載記

上黨武鄉羯人也其先匈奴別部羌渠

之胄祖耶奕于父周曷朱一名乞翼加

魏書石勒傳一名作一字御覽

五百七十五引十並為部落小率勒生時赤光滿室白

六國春秋作翼仰氣自天屬于中庭見者咸異之年十四隨邑人行販洛



陽倚嘯上東門

東元本一作都水經穀水注曰穀水逕建春門石橋下即上東門也一日上開門

晉曰建陽門

晉書校文五曰洛陽城凡十二門東面最上者曰上東門見太平寰宇記所引晉書元本作上都

門疑

王衍見而異之顧謂左右曰向者胡雛吾觀其聲

視有奇志恐將為天下之患馳遣收之會勒已去長而

壯健有膽力雄武好騎射曷朱性凶麤

案曷朱上不為當有周字

羣胡所附每使勒代已督攝部胡愛信之

魏書石勒傳曰勒壯健有

膽略好騎射周曷朱所居武鄉北原山下

元作草木皆

有鐵騎之象

御覽四十五李穆叔趙記曰韓陽東北有五指山又十六國春秋曰石勒當生之時

此山上草木皆為鐵騎之形又五十一王隱晉書石勒

傳曰初勒鄉里所居原上地中石生日長類鐵之象

鐵騎之象

志十三曰故武鄉城石勒時築家園中生人參花葉甚

名姓因稱壘字今遺址尚存讀史方輿紀要十六日鹿  
鳴城在滑縣東北俗謂之遂明壘明石勒騎將也城因  
以復東如赤龍騄驥諸苑中乘苑馬遠掠繪寶以賂汲  
桑及成都王穎敗乘輿于蕩陰逼帝如鄴宮王浚以穎  
陵辱天子使鮮卑擊之穎懼挾惠帝南奔洛陽帝復爲  
張方所逼遷于長安關東所在兵起皆以誅穎爲名河  
閒王頤懼東師之盛欲輯懷東夏乃奏議廢穎是歲劉  
元海稱漢王于黎亭讀史舉正曰案劉淵初稱王于  
離石左國城次年乃徙屯黎亭穎  
故將陽平人公師藩等自稱將軍起兵趙魏眾至數萬  
勒與汲桑帥牧人乘苑馬數百騎以赴之桑始命勒以  
石爲姓勒爲名焉書鈔一百六十崔鴻后魏僭號錄曰  
初晉太始中謠曰宮中大馬化爲驢

大石狎之不得舒又曰塗中有大石二丈許自立石勒命斷之有魚羊之文於是字立羊藩拜勒為

前隊督世說識鑒篇注引從攻平昌公模於鄴模使將

軍馮嵩逆戰敗之藩濟自白馬而南濮陽太守苟晞討

藩斬之案晞本傳時已為征東大將軍領青州刺史傳亦無為濮陽太守事此為誤文南陽王模傳作

又遣兗州刺史苟晞援之藩等散走蓋晞先為兗州後遷青州也勒與桑亡潛苑中桑

以勒為伏夜牙門帥牧人劫掠郡縣繫囚又招山澤亡

命多附勒勒率以應之桑乃自號大將軍稱為成都王

穎誅東海王越東瀛公騰為名桑以勒為前驅屢有戰

功魏書石勒傳曰汲桑以勒為伏夜牙門率牧人劫掠郡縣繫囚合軍以應之屯于平石署為埽

虜將軍忠明亭侯桑進軍攻鄴以勒為前鋒都督魏書石勒

傳曰桑自號大將軍大敗騰將馮嵩因長驅入鄴遂害

騰殺萬餘人掠婦女珍寶而去濟自延津南擊兗州越

大懼使荀晞王讚等討之桑勒攻幽州刺史石玚於樂

陵玚死之案當從懷帝紀及石玚墓碣作前幽州刺史乞活田禪帥眾五萬

救玚周家祿校勘記曰田禪當作田鄴據東海王越傳下同勒逆戰敗禪與晞等

相持于平原陽平閒數月大小三十餘戰互有勝負越

懼次於官渡為晞聲援桑勒為晞所敗死者萬餘人乃

收餘眾將奔劉元海冀州刺史丁紹要之于赤橋東海王越

傳作丁劭十六國疆域志曰清淵縣有赤橋又大敗之桑奔馬牧勒奔樂平

王師斬桑于平原時胡部大張匄督馮突莫等擁眾數

于壁于上黨勒往從之深爲所昵因說胄督曰劉單于  
舉兵誅晉部大距而不從豈能獨立乎曰不能勒曰如  
其不能者兵馬當有所屬今部落皆已被單于賞募往  
往聚議欲叛部大而歸單于矣宜早爲之計胄督等素  
無智略懼部眾之貳已也乃潛隨勒單騎歸元海元海  
署胄督爲親漢王莫突爲都督部大

周家祿校勘記曰  
上云馮突莫誤倒

爲莫  
突

以勒爲輔漢將軍平晉王以統之勒於是命胄督

爲兄賜姓石氏名之曰會言其遇已也烏丸張伏利度  
亦有眾二千壁于樂平元海屢招而不能致勒僞獲罪  
于元海因奔伏利度伏利度大悅結爲兄弟使勒率諸

胡寇掠所向無前諸胡畏服勒知眾心之附已也乃因  
會執伏利度告諸胡曰今起大事我與伏利度孰堪爲  
主諸胡咸以推勒勒於是釋伏利度率其部眾歸元海  
元海加勒督山東征討諸軍事以伏利度眾配之元海  
使劉聰攻壺關命勒率所統七千爲前鋒都督劉琨遣  
護軍黃秀等救壺關勒敗秀於白田秀死之通鑑晉紀  
黃秀作黃  
蕭白田作封田考異曰從十六國春秋及劉琨集  
讀史方輿紀要四十二曰白田原在潞安府西北勒遂  
陷壺關元海命勒與劉零閭熊等七將率眾三萬寇魏  
郡頓丘諸壘壁多陷之假壘主將軍都尉簡强壯五萬  
爲軍士老弱安堵如故軍無私掠百姓懷之及元海僭

號遣使授勒持節平東大將軍校尉都督王如故勒并

軍寇鄴鄴潰和郁奔于衛國執魏郡太守王粹于三臺

水經濁漳水篇曰漳水又東出山過鄴縣西注云城之

西北有三臺皆因城爲之基魏然崇舉其高若山建安

十五年魏武所起平坦略盡春秋古地云蔡邱地名今

鄴西三臺是也謂臺已平或更有見意所未詳中曰銅

雀臺高十丈有屋百一閒臺成命諸子登之並使爲賦

王先謙水經注校本曰案李善文選魏都賦注云銅雀

園西有三臺中央銅雀臺高十丈有屋一百一閒亦曰

中臺南有金虎臺高八丈有屋一百九閒亦曰南臺北

則冰井臺亦高八丈亦曰北臺有屋一百四十五閒上

有冰室室有數井藏冰及石墨又有栗窖及鹽窖縣本

紆淋其言三臺名義制度詳晰如此溫飛卿有金虎臺

詩云碧草連金虎青苔藏石麟初學記引陸翽鄴中記

作金獸臺時避虎諱故作獸而劉逵文選注曰南有金

鳳臺則誤也劉獻廷廣陽雜記曰方聲遠云攷鄴都三

臺碑記銅雀已沒水中冰井尚餘其半金鳳上有真武

閣乃獨存耳接齊文宣木紀天保九年八月改銅雀曰

金鳳金武曰聖應冰井曰崇光則金鳳銅雀一進攻趙也何以碑記之訛若此唐人避諱故以虎爲武郡害冀州西部都尉馮沖攻乞活赦亭田禪于中丘皆殺之元海授勒安東大將軍開府置左右長史司馬從事中郎進軍攻鉅鹿常山害二郡守將陷冀州郡縣堡壁百餘眾至十餘萬其衣冠人物集爲君子營乃引張賓爲謀主始署軍功曹以刁膺張敬爲股肱夔安孔萇爲爪牙支雄呼延莫王陽桃豹遂明吳豫等爲將率使其將張斯率騎詣并州山北諸郡縣說諸胡羯曉以安危諸胡懼勒威名多有附者進軍常山分遣諸將攻中山博陵高陽諸縣降之者數萬人王浚使其將祁弘帥



鮮卑段務塵等十餘萬騎討勒大敗勒于飛龍山死者

萬餘勒退屯黎陽分命諸將攻諸未下及叛者降三十

餘壁置守宰以撫之進寇信都害冀州刺史王斌

懷帝紀作

安北將軍於是車騎將軍王堪北中郎將裴憲自洛陽率眾

討勒勒燒營并糧迴軍距之次于黃牛壘魏郡太守劉

矩以郡附于勒勒使矩統其壘眾爲中軍左翼勒至黎

陽裴憲棄其軍奔于淮南王堪退堡倉垣元海授勒鎮

東大將軍封汲郡公持節都督王如故勒固讓公不受

與閭孺攻脂圈苑市二壘陷之孺中流矢死勒并統其

眾潛自石橋濟河攻陷白馬坑男女三千餘口東襲鄆

城害兗州刺史袁孚因攻倉垣陷之遂害堪渡河攻廣

宗清河平原陽平諸縣降勒者九萬餘口復南濟河滎

陽太守裴純奔于建業

周家禕校勘記曰紀作建鄴按晉世分秣陵爲建鄴改業爲鄴

當作建鄴爲是

時劉聰攻河內勒率騎會之攻冠軍將軍梁巨

于武德懷帝遣兵救之勒留諸將守武德與王桑逆巨

於長陵巨請降勒弗許巨踰城而遁軍人執之勒馳如

武德坑降卒萬餘數梁巨罪而害之

御覽三百八十六引十六國春秋後

趙錄曰張彌字巨秦汝郡人晉永嘉中與梁臣戊武德城石勒攻之城潰彌隨例當坑大呼曰官當活健兒何督時警備嚴設使賊不入正是張彌勒笑曰降兒能爾正是奇健赦之案王師退還河北諸堡壁大震皆請降梁臣爲梁巨之誤

送任于勒及元海死劉聰授勒征東大將軍并州刺史

汲郡公持節開府都督校尉王如故勒固辭將軍乃止

劉粲率眾四萬寇洛陽勒留輜重于重門魏書石勒傳作勒留長史

才膺統步卒九萬魏書石勒傳率騎二萬騎上有輕字會粲於大陽

徙輜重于重門大敗王師於澠池魏書石勒傳作大敗遂至洛川粲出

輟輟勒出成皋關圍陳留太守王讚於倉垣為讚所敗

退屯文石津將北攻王浚會浚將王甲始晉書校文王

王申始凡兩見御覽八引前趙錄作王申亦不作

甲二字形近不知誰誤王為晉車騎將軍亦見前趙錄

率遼西鮮卑萬餘騎敗趙固于津北魏書石勒傳作敗

趙固于

津北勒乃燒船棄營引軍向柏門迎重門輜重至于

石門濟河

魏書石勒傳作合于石門而濟南攻晉豫州刺史馮嵩于陳郡不剋讀史方輿紀要十五

日石門塞

在任縣西北晉書地道記中邱縣有石門塞紀勝云石門塞邢州之險要也

攻襄城太

守崔曠於繁昌害之先是雍州流人王如侯脫嚴疑等

起兵江淮間

魏書石勒傳崔曠作崔廣害之作斬之聞起兵江淮間下有受劉淵官位一句

勒之來也懼遣眾一萬屯襄城以距勒擊敗之盡俘其

眾勒至南陽屯于宛北山如懼勒之攻襄也使送珍寶

車馬犒師結為兄弟勒納之如與侯脫不平說勒攻脫

勒夜令三軍雞鳴而駕晨歷苑門

周家祿校勘記曰王如傳作宛門按時候

脫據宛勒又屯於宛北山苑門必宛門之誤

攻之旬有二日而剋嚴疑率眾

救脫至則無及遂降于勒勒斬脫囚疑送于平陽盡并

其眾軍勢彌盛勒南寇襄陽攻陷江西壘壁三十餘所

留刁膺守襄陽

御覽三百九十二引趙書作刀應又四百九十九引作刁應案刀爲刁之譌

躬帥精騎三萬還攻王如憚如之盛遂趣襄城如知之

遣弟璃率騎二萬五千詐言犒軍實欲襲勒勒逆擊滅

之復屯江西蓋欲有雄據江漢之志也張賓以爲不可

魏書石勒傳作右長史張賓

勸勒北還弗從以賓爲參軍都尉領記

室位次司馬專居中總事元帝慮勒南寇使王導率眾

討勒勒軍糧不接死疫太半納張賓之策乃焚輜重裹

糧卷甲渡沔寇江夏太守楊岷棄郡而走

懷帝紀及朱伺傳均作楊

張北寇新蔡害新蔡王確于南頓朗陵公何襲

案何曾傳曾封

廣陵公薨子劭嗣劭薨子岐嗣傳不載岐之子孫疑襲爲岐之子廣陵公陳軫軫當作

帝紀上黨太守羊綜廣平太守邵肇等率眾降于勒勒

進陷許昌害平東將軍王康先是東海王越率洛陽之

眾二十餘萬討勒越薨于軍眾推太尉王衍爲主率眾

東下勒輕騎追及之衍遣將軍錢端與勒戰爲勒所敗

端死之衍軍大潰魏書石勒傳作勒追擊破之於苦縣勒分騎圍而射之

相登如山無一免者於是執衍及襄陽王範任城王躋

周家祿校勘記曰西河王喜梁王禧齊王韶周家祿校勘記曰超

誤吏部尚書劉望豫州刺史劉喬太傅長史庾敳等坐

之于幕下問以晉故衍躋等懼死多自陳說惟範神色

儼然意氣自若顧呵之曰今日之事何復紛紜勒甚奇

之勒於是引諸王公卿士於外害之死者甚眾魏書石勒傳作

殺王衍及襄陽王等十餘萬人勒重衍清辨奇範神氣不能加之兵刃

夜使人排牆填殺之左衛何倫右衛李暉聞越薨晉書校文

五日以東海王越傳攷之何倫乃右衛將軍李暉則龍驤將軍也此誤奉越妃裴氏及越

世子毗出自洛陽魏書石勒傳下有勒逆毗於洧倉軍

復大潰水經洧水注曰洧水又東入洧倉城內俗以是

耳讀史方輿紀要四十七曰洧倉城在許昌故城執毗

東卽洧水之邸閣也漢建安中棗祗建議屯田魏書石勒傳作執毗

及諸王公卿士皆害之死者甚眾及晉宗室二十六王

并諸卿士因率精騎三萬入自成皋關會劉曜王彌寇

皆殺之

洛陽洛陽既陷勒歸攻彌曜遂出轅轅

案歸攻當從魏書石勒傳作歸

功於文義方合

屯于許昌劉聰署勒征東大將軍勒固辭不受

先是平陽人李洪有眾數千壘于舞陽苟晞假洪雍州

刺史勒進寇穀陽害冠軍將軍王茲破王讚于陽夏獲

讚以爲從事中郎襲破大將軍苟晞于蒙城執晞署爲

左司馬劉聰授勒征東大將軍幽州牧

魏書石勒傳作劉聰授勒鎮軍

大將軍幽州牧領并州刺史

固辭將軍不受先是王彌納劉暉之說

將先誅勒東王青州使暉徵其將曹嶷於齊勒遊騎獲

暉得彌所與嶷書勒殺之密有圖彌之計矣會彌將徐

邈輒引部兵去彌彌漸削弱及勒之獲苟晞也彌惡之



僞卑辭使謂勒曰公獲苟晞而赦之何其神也使晞爲

公左彌爲公右天下不足定勒謂張賓曰王彌位重言

卑恐其遂成前狗意也賓曰觀王公有青州之心

元和郡縣

圖志十五作張賓說勒曰觀王彌有王青州之心

桑梓本邦固人情之所樂明

公獨無并州之思乎王公遲迴未發者懼明公踵其後

已有規明公之志但未獲便爾

已有元作已行元和郡縣圖志十五作懼明公

之踵其後也明公獨無并州之思乎

今不圖之恐曹嶷復至共爲羽翼後

雖欲悔何所及邪徐邈旣去軍勢稍弱觀其控制之懷

猶盛可誘而滅之勒以爲然勒時與陳午相攻于蓬關

王彌亦與劉瑞相持甚急彌請救于勒勒未之許張賓

進曰明公常恐不得王公之便今天以其便授我矣陳  
午小豎何能爲寇王彌人傑將爲我害勒因迴軍擊瑞  
斬之彌大悅謂勒深心推奉無復疑也勒引師攻陳午  
于肥澤午司馬上黨李頭說勒曰公天生神武當平定  
四海四海士庶皆仰屬明公望濟于塗炭有與公爭天  
下者公不早圖之而返攻我曹流人我曹鄉黨終當奉  
戴何遽見逼乎勒心然之詰朝引退詭請王彌讌于己  
吾彌長史張嵩諫彌勿就讀史方輿紀要五十日己吾  
漢置己吾縣屬陳留郡晉省縣而城猶存恐有專諸孫  
御覽四百五十三引晉書張嵩作孫嵩  
峻之禍彌不從旣入酒酣勒手斬彌而并其眾啟聰稱

彌叛逆之狀聰署勒鎮東大將軍督并幽二州諸軍事  
領并州刺史持節征討都督校尉開府幽州牧公如故  
苟晞王讚謀叛勒勒害之以將軍左伏肅爲前鋒都尉  
攻掠豫州諸郡臨江而還屯于葛陵周家祿校勘記曰葛陵據下文當作葛陂水經汝水注曰憶水又東南左迤爲葛陂注云昔費長房投杖于陂而龍變所在也又効東海君子是陂矣通鑑晉紀注皇覽曰汝南郡鄆陽縣有葛陂讀史方輿紀要三曰葛陂在今汝寧府新蔡縣西北降諸  
夷楚署將軍二千石以下稅其義穀以供軍士初勒被  
鬻平原與母王相失至是劉琨遣張儒送王子勒遺勒  
書曰將軍發迹河朔席卷兗豫飲馬江淮折衝漢沔雖  
自古名將未足爲諭所以攻城而不有其人略地而不

有其士翕爾雲合忽復星散將軍豈知其然哉存亡決  
在得主成敗要在所附得主則爲義兵附逆則爲賊眾  
義兵雖敗而功業必成賊眾雖剋而終歸殄滅昔赤眉  
黃巾橫逆

元作逸

宇宙所以一旦敗亡者正以兵出無名

聚而爲亂將軍以天挺之質威振宇內擇有德而推崇  
隨時望而歸之勲義堂堂長享遐貴背聰則禍除向主  
則福至採納往誨翻然改圖天下不足定蠃寇不足掃  
今相授侍中持節車騎大將軍領護匈奴中郎將襄城  
郡公總內外之任兼華戎之號顯封大郡以表殊能將  
軍其受之副遠近之望也自古以來誠無戎人而爲帝

王者至於名臣建功業者則有之矣今之遲想蓋以天下大亂當須雄才遙聞將軍攻城野戰合於機神雖不視兵書聞與孫吳同契所謂生而知之者上學而知之者次但得精騎五千以將軍之才何向不摧至心實事皆張儒所具勒報琨曰事功殊途非腐儒所聞君當逞節本朝吾自夷難爲效遺琨名馬珍寶厚賓其使謝歸以絕之勒於葛陂繕室宇課農造舟將寇建鄴會霖雨厯三月不止元帝使諸將率江南之眾大集壽春勒軍中飢疫死者大半檄書朝夕繼至勒會諸將計之右長史刁膺諫勒先送款於帝求掃平河朔待軍退之後徐

更計之勒愀然長嘯中堅夔安勸勒就高避水勒曰將軍何其怯乎孔萇支雄等三十餘將進曰及吳軍未集萇等請各將三百步卒乘船三十餘道夜登其城斬吳將頭得其城食其倉米今年要當破丹楊定江南盡生縛取司馬家兒輩勒笑曰是勇將之計也各賜鎧馬一匹顧問張賓曰於君計何如賓曰將軍攻陷帝都囚執天子殺害王侯妻略妃主擢將軍之髮不足以數將軍之罪奈何復還相臣奉乎去年誅王彌之後不宜於此營建天降霖雨方數百里中示將軍不應留也鄴有三臺之固西接平陽四塞山河有喉衿之勢宜北徙據之

伐叛懷服河朔既定莫有處將軍之右者晉之保壽春  
懼將軍之往擊爾今卒聞迴軍必欣於敵去未遑奇兵  
掎擊也輜重逕從北道大軍向壽春輜重旣過大軍徐  
迴何懼進退無地乎勒攘袂鼓髯曰賓之計是也責刁  
膺曰君共相輔佐當規成功業如何便相勸降此計應  
斬然相明性怯所以宥君於是退膺爲將軍擢賓爲右  
長史加中壘將軍號曰右侯發自葛陂遣石季龍率騎  
二千距壽春會江南運船至獲米布數十艘將士爭之  
不設備晉伏兵大發敗季龍于巨靈口

御覽八百七十七引十六國春秋

秋作匡靈口

赴水死者五百餘人奔退百里及于勒軍軍中

震據謂王師大至勒陣以待之晉懼有伏兵退還壽春  
勒所過路次皆堅壁清野採掠無所獲軍中大飢士眾  
相食行達東燕聞汲郡向冰有眾數千壁于枋頭勒將  
於棘津北渡水經河水注五日右瀆又東北逕廣川縣故城西又東逕棘津亭南注徐廣曰棘津  
在廣川司馬彪曰縣北有棘津城徐廣晉紀又言石勒  
自葛陂寇河北襲汲人向冰于枋頭濟自棘棘津在東  
郡河內之間田融以為卽石濟南津也水經注釋曰一  
清案名勝志引水經注云清河又東北逕棗強縣故城  
西又東北逕棘津上有古臺耆舊相傳呂望賣漿臺  
疑是清水篇之逸文又司馬彪郡國志云清河國廣川  
縣故屬信都有棘津城劉昭補注太公呂尙困於棘津  
城在琅邪海曲非此城也今觀昭注較酈氏爲尤密  
懼冰邀之會諸將問計張賓進曰如聞冰船盡在瀆中  
未上枋內可簡壯勇者千人詭道潛渡襲取其船以濟



大軍大軍既濟冰必可擒也勒從之使支雄孔萇等從文石津縛筏潛渡勒引其眾自酸棗向棘津冰聞勒軍至始欲內其船會雄等已渡屯其壘門下船三十餘艘以濟其軍令主簿鮮于豐挑戰設三伏以待之冰怒乃出軍將戰而三伏齊發夾擊攻之又因其資軍遂豐振長驅寇鄴攻北中郎將劉演于三臺演部將臨深牟穆等率眾數萬降于勒時諸將佐議欲攻取三臺以據之張賓進曰劉演眾猶數千三臺險固攻守未可卒下元和郡縣圖志十五作攻之未易卒下案下舍之則能自潰文云舍之則能自潰自以作攻之爲是王彭祖劉越石大敵也宜及其未有備密規進據罕城

元和郡縣圖志十五作宜及未至密廣運糧儲西稟平  
規進據牢城案罕城疑爲牢城之譌陽靖定并薊桓文之業可以濟也且今天下鼎沸戰爭  
方始遊行羈旅人無定志難以保萬全制天下也夫得  
地者昌失地者亡邯鄲襄國趙之舊都依山憑險形勝  
之國可擇此二邑而都之然後命將四出授以奇略推  
亡固存兼弱攻昧則羣凶可除王業可圖矣勒曰右侯  
之計是也於是進據襄國書鈔九十六異苑曰石勒爲郭敬客時襄國有讖曰力在  
左革在右胸競姪姪引讖仲記讓言退或入口言旣去  
餘襄在或入口乃國字也勒後遂都襄國元和郡縣圖  
志十五曰龍岡縣古邢國秦信都項羽更名曰襄國漢  
因不改石勒僭號據之勒未立前襄國有讖曰古在左  
月在右讓亡言或入口賓又言於勒曰今我都此越石  
識者以爲胡有襄國也

彭祖深所忌也恐及吾城池未固資儲未廣送死於我  
聞廣平諸縣秋稼大成可分遣諸將收掠野穀遣使平  
陽陳宜鎮此之意勒又然之於是上表於劉聰分命諸  
將攻冀州郡縣壘壁率多降附運糧以輸勒劉聰署勒  
使持節散騎常侍都督冀幽并營四州雜夷征討諸軍  
事

讀史舉正曰案營州不見地理志至慕容熙始置

冀州收進封本國上黨郡

公邑五萬戶開府幽州牧東夷校尉如故廣平游綸張

豺擁眾數萬受王浚假署保據苑鄉

通鑑晉紀注曰姓譜游廣平望姓鄭

公子偃字子游其後以爲氏讀史方輿紀要十五曰苑鄉城在任縣東北十八里本漢南絲縣地後爲閑廐之所謂之

苑鄉

勒使夔安支雄等七將攻之破其外壘浚遣督

護王昌及鮮卑段就六眷末杯匹碑等

周家祿校勘記曰段就六眷卽

下疾六眷也就疾音轉一篇之中不宜相歧

部眾五萬餘以討勒時城隍未

修乃於襄國築隔城重柵設鄣以待之就六眷屯于渚陽勒分遣諸將連出挑戰頻爲就六眷所敗又聞其大造攻具勒顧謂其將佐曰今寇來轉逼彼眾我寡恐攻圍不解外救不至內糧罄絕縱孫吳重生亦不能固也吾將簡練將士大陣於野以決之何如諸將皆曰宜固守以疲寇彼師老自退追而擊之蔑不剋矣勒顧謂張賓孔萇曰君以爲何如賓萇俱曰聞就六眷剋來月上旬送死北城其大眾遠來戰守連日以我軍勢寡弱謂

不敢出戰意必懈怠今段氏種眾之悍末柸尤最其卒

之精勇悉在末柸所可勿復出戰示之以弱元和郡縣圖志十五

作夫用兵當以己所便擊彼所不便今段末柸强悍且宜示之以弱速鑿北壘爲突門二

十餘道候賊列守未定元和郡縣圖志十五作出其不

意直衝末柸帳元和郡縣圖志十五作出其敵必震惶

計不及設所謂迅雷不及掩耳末柸之眾旣奔餘自摧

散擒末柸之後彭祖可指辰而定勒笑而納之卽以萇

爲攻戰都督造突門于北城鮮卑入屯北壘勒候其陣

未定躬率將士鼓譟于城上會孔萇督諸突門伏兵俱

出擊之生擒末柸就六眷等眾遂奔散萇乘勝追擊枕

尸三十餘里獲鎧馬五千匹就六眷收其遺眾屯于渚

陽元和郡縣圖志十五曰張城一名渚陽城在任縣西

南二十七里漢張縣也石勒傳晉將王浚遣石季龍

盟就六眷於渚陽謂此也讀史方輿紀要十五曰城在

澤渚之陽故曰渚鄉王先謙水經注校本曰按全氏曰

漢志常山郡中邱縣蓬山長谷諸水所出諸水是渚水

之誤內邱有渚水亦名礪水張縣後省入任縣其地一

名曰渚陽城城在渚水之陽晉書

段疾陸眷攻石勒屯渚陽卽此

遣使求和送鎧馬金銀并以末杯三弟爲質而請末杯諸將并勸勒殺末杯

以挫之勒曰遼西鮮卑健國也與我素無怨讐爲王浚  
所使耳今殺一人結怨一國非計也放之必悅不復爲  
王浚用矣於是納其質遣石季龍盟就六眷于渚陽結  
爲兄弟就六眷等引還使參軍閻綜獻捷於劉聰於是

游綸張豺請降稱藩勒將襲幽州務養將士權宜許之  
皆就署將軍於是遣眾寇信都害冀州刺史王象王浚  
復以邵舉行冀州刺史保于信都建興元年石季龍攻  
鄴三臺鄴潰劉演奔于廩丘將軍謝胥田青郎牧等率  
三臺流人降于勒勒以桃豹爲魏郡太守以撫之命段  
末柸爲子署爲使持節安北將軍北平公遣還遼西末  
柸感勒厚恩在途日南面而拜者三段氏遂專心歸附  
自是王浚威勢漸衰勒襲苑鄉執游綸以爲主簿攻乞  
活李偉于上白斬之

愍帝紀王浚  
傳皆作李暉

將坑其降卒見郭敬

而識之曰汝郭季子乎敬叩頭曰是也勒下馬執其手

泣曰今日相遇豈非天邪賜衣服車馬署敬上將軍悉

免降者以配之其將孔萇寇定陵害兗州刺史田徽

讀史

方輿紀要十五曰定陵墅在咸縣西北陵周三百二十步高六丈餘烏丸薄盛執渤海太

守劉旣率戶五千降于勒劉聰授勒侍中征東大將軍

餘如故拜其母王氏爲上黨國太夫人妻劉氏上黨國

夫人

御覽一百四十二引十六國春秋後趙錄曰石勒劉皇后侍中閏中妹後部胡人也勒納之於胡關

美色有特寵后性惠有幹助理軍國之務有呂氏輔漢之風然嚴整貞婉容裕不妬忌過之也章綬首

飾一同王妃段末柸任弟亡歸遼西勒大怒所經令尉

皆殺之烏丸審廣漸裳郝襲背王浚密遣使降于勒勒

厚加撫納司冀漸宜人始租賦立太學簡明經善書吏



署爲文學掾選將佐子弟三百人教之勒母王氏死潛  
窆山谷莫詳其所

寰宇記五十九日石勒母王夫人冢在龍岡縣之西南

旣而備

九命之禮虛葬于襄國城南勒謂張賓曰鄴魏之舊都

吾將營建旣

一作慨

風俗殷雜須賢望以綏之誰可任也

賓曰晉故東萊太守南陽趙彭忠亮篤敏有佐時良幹  
將軍若任之必能允副神規勒於是徵彭署爲魏郡太  
守彭至入泣而辭曰臣往策名晉室食其祿矣犬馬戀  
主切不敢忘誠知晉之宗廟鞠爲茂草亦猶洪川東逝  
往而不還明公應符受命可謂攀龍之會但受人之榮  
復事二姓臣志所不爲恐亦明公之所不許若賜臣餘

年全臣一介之願者明公大造之惠也勒默然張賓進  
曰自將軍神旗所經衣冠之士靡不變節未有能以大  
義進退者至如此賢以將軍爲高祖自擬爲四公所謂  
君臣相知此亦足成將軍不世之高何必吏之勒大悅  
曰右侯之言得孤心矣於是賜安車駟馬養以卿祿辟  
其子明爲參軍勒以石季龍爲魏郡太守鎮鄴三臺季  
龍篡奪之萌兆于此矣時王浚署置百官奢縱淫虐勒  
有吞并之意欲先遣使以觀察之議者僉曰宜如羊祜  
與陸抗書相聞時張賓有疾勒就而謀之賓曰王浚假  
三部之力稱制南面雖曰晉藩實懷僭逆之志必思協

英雄圖濟事業將軍威聲震于海內去就爲存亡所在  
爲輕重浚之欲將軍猶楚之招韓信也今權譎遣使無  
誠款之形脫生猜疑圖之兆露後雖奇略無所設也夫  
立大事者必先爲之卑常稱藩推奉尙恐未信羊陸之  
事臣未見其可勒曰右侯之計是也乃遣其舍人王子  
春董肇等多齎珍寶奉表推崇浚爲天子曰勒本小胡  
出於元作自戎裔值晉綱弛御海內饑亂流離屯厄竄命  
冀州共相帥合以救性命今晉祚淪夷遠播吳會中原  
無主蒼生無繫伏惟明公殿下州鄉貴望四海所宗爲  
帝王者非公復誰勒所以捐軀命興義兵誅暴亂者正

爲明公驅除爾伏願殿下應天順時踐登皇阼勒奉戴  
明公如天地父母明公當察勒微心慈矜如子也亦遺  
棗嵩書而厚賂之浚謂子春等曰石公一時英武據趙  
舊都成鼎峙之勢何爲稱藩于孤其可信乎子春對曰  
石將軍英才儁拔士馬雄盛實如聖旨仰惟明公州鄉  
貴望累葉重光出鎮藩嶽威聲播于八表固以胡越欽  
風戎夷歌德豈唯區區小府而敢不斂衽神闕者乎昔  
陳嬰豈其鄙王而不王韓信薄帝而不帝者哉但以知  
帝王不可以智力爭故也石將軍之擬明公猶陰精之  
比太陽江河之比洪海爾項籍子陽覆車不遠是石將

軍之明鑒明公亦何怪乎且自古誠胡人而爲名臣者實有之帝王則未之有也石將軍非所以惡帝王而讓明公也顧取之不爲天人之所許耳願公勿疑浚大悅封子春等爲列侯遣使報勒荅以方物浚司馬游統時鎮范陽陰叛浚馳使降于勒勒斬其使送于浚以表誠實浚雖不罪統彌信勒之忠誠無復疑矣子春等與王浚使至勒命匿勁卒精甲虛府羸師以示之北面拜使而受浚書浚遣勒塵尾勒僞不敢執懸之于壁朝夕拜之云我不得見王公見王公所賜如見公也復遣董肇奉表于浚期親詣幽州奉上尊號亦修牋于棗嵩乞并

州牧廣平公以見必信之誠也勒將圖浚引子春問之  
子春曰幽州自去歲大水人不粒食浚積粟百萬不能  
贍恤刑政苛酷賦役殷煩賊害賢良誅斥諫士下不堪  
命流叛略盡鮮卑烏丸離貳于外棗嵩田矯貪暴于內  
人情沮擾甲士羸弊而浚猶置立臺閣布列百官自言  
漢高魏武不足並也又幽州謠怪特甚聞者莫不爲之  
寒心浚意氣自若曾無懼容此亡期之至也勒撫几笑  
曰王彭祖真可擒也浚使達幽州具陳勒形勢寡弱款  
誠無二浚大悅以勒爲信然勒纂兵戒期將襲浚而懼  
劉琨及鮮卑烏丸爲其後患沈吟未發

一作幾

張賓進曰

夫襲敵國當出其不意軍嚴經日不行豈顧有三方之慮乎勒曰然爲之柰何賓曰彭祖之據幽州唯仗三部今皆離叛還爲寇讐此則外無聲援以抗我也幽州飢儉人皆蔬食眾叛親離甲旅寡弱此則內無強兵以禦我也若大軍在郊必土崩瓦解今三方未靖將軍便能懸軍千里以征幽州也輕軍往返不出二旬就使三方有動勢足旋趾宜應機電發勿後時也且劉琨王浚雖同名晉藩其實仇敵若修牋于琨送質請和琨必欣于得我喜于浚滅終不救浚而襲我也勒曰吾所不元作未了右侯已了復何疑哉於是輕騎襲幽州以火宵行至

柏人殺主簿游綸以其兄統在范陽懼聲軍計故也遣  
張慮奉賤于劉琨陳己過深重求討浚以自效琨旣素  
疾浚乃檄諸州郡說勒知命思愆收累年之咎求拔幽  
都效善將來今聽所請受任通和軍達易水浚督護孫  
緯馳遣白浚將引軍距勒游統禁之浚將佐咸請出擊  
勒浚怒曰石公來正欲奉戴我也敢言擊者斬乃命設  
饗以待之勒晨至薊通鑑晉紀考異曰三十國春秋言  
癸酉勒取幽州壬午勒晨至薊按  
劉琨表曰勒以三月三日徑掩薊城案癸酉至壬午凡  
十日似壬午必非三月三日愍帝紀亦云癸酉陷幽州  
是年正月朔爲己巳則三月三日  
亦非癸酉恐傳聞或有失實也 叱門者開門疑有伏  
兵先驅牛羊數千頭聲言上禮實欲填諸街巷使兵不



得發浚乃懼或坐或起勒升其廳事命甲士執浚立之  
于前使徐光讓浚曰君位冠元台爵列上公據幽都驍  
悍之國跨全燕突騎之鄉手握強兵坐觀京師傾覆不  
救天子而欲自尊又專任姦暴殺害忠良肆情恣欲毒  
徧燕壤自貽于此非爲天也使其將王洛生驛送浚襄  
國市斬之御覽三百七十八後趙書曰王洛生石勒欲  
挫其權豪洛生在獄自刺腹深五寸洛生肥  
盛不陷中重以刀於是分遣流人各還桑梓擢荀綽裴  
潰其腹出胃而死敦煌石室本晉紀曰晉人則程遐徐光朱表韓攬郭  
憲敬石生劉敬舊族見用者河東裴憲潁川荀綽北地  
傳暢京兆杜憲樂安任播清河崔淵大論凶功先賞葛  
陂時人已死者皆加其孤寡賞一等御覽一百九十三  
郡國志曰石勒每破一州必簡別衣冠號爲君子城泊資  
平幽州擢荀綽等還襄國路經此後俗訛爲箕子城

給車服數朱碩聚嵩田矯等以賄亂政責游統以不忠  
于浚皆斬之遷烏丸審廣漸裳郝襲斬市等于襄國焚  
燒浚宮殿以晉尙書劉翰爲宣朔將軍行幽州刺史戍  
薊置守宰而還遣其東曹掾傅邁兼左長史封王浚首  
獻捷于劉聰勒旣還襄國劉翰叛勒奔段匹磾襄國大  
飢穀二升直銀二斤肉一斤直銀一兩援鵲堂筆記曰此時以銀貨物  
記考劉聰以平幽州之勳乃遣其使人柳純持節署勒大  
都督陝東諸軍事驃騎大將軍東單于侍中使持節開  
府校尉二州牧公如故加金鉦黃鉞前後鼓吹二部增  
封十二郡勒固辭受二郡而已勒封左長史張敬等十

一人爲伯子侯文武進位有差勒將支雄攻劉演於廩  
丘爲演所敗演遣其將韓弘潘良襲頓丘斬勒所署太  
守邵攀支雄追擊弘等害潘良于廩丘劉琨遣樂平太  
守焦球攻勒常山斬其太守邢泰琨司馬溫嶠西討山  
胡勒將逢明要之敗嶠于潞城勒以幽冀漸平

御覽九百五十

六趙書曰從幽州大道薜花造浮橋植行榆五十里置行宮

始下州郡閱實人戶戶

元無下

貲二匹租二斛勒將陳午以浚儀叛于勒

案元帝紀

作陳川以浚儀叛降于石勒據敦煌石室本晉紀則陳午死後其從父川大懼以浚儀叛是叛者陳川非陳午也且亦不得稱爲勒將遂明攻甯黑于荏平降之因破東燕酸棗

而還徙降人二萬餘戶于襄國

敦煌石室本晉紀作徙同冀豪右三千餘家以

實襄勒使其將葛薄寇濮陽陷之害太守韓弘劉聰遣

其使人范龜持節策命勒賜以弓矢加崇爲陝東伯得

專征伐拜封刺史將軍守宰列侯歲盡集上署其長子

興爲上黨國世子加翼軍將軍爲驃騎副貳劉琨遣王

旦攻中山逐勒所署太守秦固勒將劉劭距旦敗之執

旦于望都關勒襲邵續于樂陵續盡眾逆戰大敗而還

章武人王脊起兵于科斗壘十七史商榷五十二日下

叛於勒未知卽此人否十六國卷上黨內史王脊以并州

疆域志曰章武國有蚪蚪壘擾亂勒河閒渤海諸郡

勒以揚武張夷爲河閒太守參軍臨深爲渤海太守各

案地

理志無長樂郡當是安  
平所改詳蔡豹傳注

爲之聲勢徙平原烏丸展廣劉

哆等部落三萬餘戶于襄國使石季龍襲乞活王平于  
梁城敗績而歸又攻劉演于廩丘支雄遂明擊甯黑于  
東武陽陷之黑赴河而死徙其眾萬餘于襄國邵續使  
文鴛救演季龍退止盧關津避之文鴛弗能進屯于景

亭

讀史舉正曰案景亭疑是倉亭今范  
縣東北案上文昌亭或亦倉亭之譌

兗豫豪右張平

等起兵救演

寰宇記四十九曰五臺縣張公城十六國  
時石勒將張平築城東有平碑案御覽一

百四十二引十六國春秋後趙錄  
日張枏反於襄城疑卽張平之譌季龍夜棄營設伏于

外揚聲將歸河北平等以爲信然入于空營季龍迴擊  
敗之遂陷廩丘演奔文鴛軍獲演弟啟送于襄國演卽

劉琨之兄子也勒以琨撫存其母德之賜啟田宅令儒  
官授其經時大蝗中山常山尤甚中山丁零翟鼠叛勒  
攻中山常山勒率騎討之獲其母妻而還鼠保于胥關  
遂奔代郡勒攻樂平太守韓據于坩城水經淇水注曰淇水又東北沽  
水注之王先謙水經注校本曰案全氏曰漢書地理志  
上黨郡壺關縣下云沽水東至朝歌入淇此卽沽縣所  
以得名也有沽縣因有沽城魏書地形志樂平縣有沽  
城是也有沽城因有沽臺晉書誤以沽城爲坩城而是  
注亦訛沽臺爲坩臺何超晉書音義從而實之賴有胡  
梅瓘不錯今校正案地理志沽縣屬樂平郡蓋爲太守  
治所劉琨遣將軍姬澹率眾十餘萬討勒琨次廣牧爲澹  
聲援勒將距之或諫之曰澹兵精盛其鋒不可當宜深  
溝高壘以挫其銳攻守勢異必獲萬全勒曰澹大眾遠

來體疲力竭犬羊烏合號令不齊可一戰而擒之何強  
之有寇已垂至胡可捨去大軍一動豈易中還若澹乘  
我之退顧乃無暇焉得深溝高壘乎此爲不戰而自滅  
亡之道立斬諫者以孔萇爲前鋒都督令三軍後出者  
斬設疑兵于山上分爲二伏勒輕騎與澹戰僞收眾而  
北澹縱兵追之勒前後伏發夾擊澹軍大敗獲鎧馬萬  
匹澹奔代郡據奔劉琨琨長史李弘以并州降于勒琨  
遂奔于段匹磾勒遷陽曲樂平戶于襄國置守宰而還  
一作退孔萇追姬澹于桑乾勒遣兼左長史張敷獻捷于  
劉聰勒之征樂平也其南和合趙領招合廣川平原渤海

海數千戶叛勒奔于邵續河間邢嘏累徵不至亦聚眾  
數百以叛勒巡下冀州諸縣以右司馬程遐爲宣朔將  
軍監冀州七郡諸軍事十六國疆域志曰冀州凡領舊  
郡十四新置郡二趙郡中丘鉅  
鹿長樂國武邑建興平原國樂陵國勃海章武國河間  
國高陽國博陵清河國中山國常山按石虎載記言冀  
州八郡蓋不數鉅鹿等國勒姊夫廣威張越與諸將蒯  
博勒親臨觀之越戲言忤勒勒大怒叱力士折其脛而  
殺之孔萇攻代郡澹死之時司冀并兗州流人數萬戶  
在于遼西迭相招引人不安業孔萇等攻馬嚴馮膺久  
而不剋勒問計於張賓賓對曰馮膺等本非明公之深  
仇遼西流人悉有戀本之思今宜班師息甲差選良守



任之以龔遂之事不拘常制奉宣仁澤奮揚威武幽冀之寇可翹足而靜遼西流人可指時而至勒曰右侯之計是也召萇等歸署武遂令李回爲易北都護振武將軍高陽太守馬嚴士衆多李潛軍人回先爲潛府長史素服回威德多叛嚴歸之嚴以部衆離貳懼奔于幽州溺水而死馮脂率衆降于勒回移居易涼案易涼疑是易京之譌水經易水注易京城在易城西四五里詳石季龍載記注流人降者歲常數千勒甚嘉之封回弋陽子邑三百戶加賓封一千戶進賓位前將軍固辭不受河朔大蝗初穿地而生二旬則化狀若蠶七八日而卧四日蛻而飛彌互百草唯不食三豆及

麻井冀尤甚石季龍濟自長壽津寇梁國害內史荀闡  
劉琨與段匹磾涉復辰疾六眷段末柸等會于固安將  
謀討勒勒使參軍王續齎金寶遺末柸以閒之末柸旣  
思有以報勒恩又忻於厚賂乃說辰眷等引還琨匹磾  
亦退如薊城邵續使兄子濟攻勒渤海虜三千餘人而  
還劉聰將趙固以洛陽歸順恐勒襲之遣參軍高少奉  
書推崇勒請師討聰勒以大義讓之固深恨恚與郭默  
攻掠河內汲郡段末柸殺鮮卑單于截附眞立忽跋鄰  
爲單于

晉書校文五曰截附眞卽劉琨王浚等傳之涉復辰段匹磾傳言末柸害涉復辰自立爲單于

與此互異又云末柸死弟牙立牙死從祖就陸眷之孫遠立亦無有名忽跋鄰者

段匹磾自幽

州攻末桮末桮逆擊敗之匹磾奔還幽州因害太尉劉

琨琨將佐相繼降勒末桮遣弟騎督擊匹磾于幽州匹磾率其部眾數千將奔邵續勒將石越要之于鹽山大敗之

讀史方輿紀要十三日鹽山在鹽山縣東南八十里地產鹽因名

匹磾退保幽州

越中流矢死勒爲之屏樂三月贈平南將軍初曹嶷據有青州旣叛劉聰南棗王命以建鄴縣遠勢援不接懼勒襲之故遣通和勒授疑東州大將軍青州牧封琅邪公劉聰疾甚驛召勒爲大將軍錄尙書事受遺詔輔政勒固辭乃止聰又遣其使人持節署勒大將軍持節鉞都督侍中校尉二州牧公如故增封十郡勒不受聰死

其子粲襲偽位其大將軍靳準殺粲于平陽勒命張敬

率騎五千爲前鋒以討準勒統精銳五萬繼之魏書石勒傳作

勒率眾赴平陽據襄陵北原羌羯降者四萬餘落準數挑戰勒

堅壁以挫之劉曜自長安屯于蒲阪曜復僭號署勒大

司馬大將軍加九錫增封十郡并前三郡進爵趙公

勒攻準于平陽小城平陽大尹周置等率雜戶六千降

于勒水經汾水注曰汾水又南逕平陽縣故城東水經注圖說殘稿曰魏書地形志平陽郡平陽二漢屬

河東晉屬眞君六年併禽昌太和十一年復自魏以前

諸志並不言徙治案太平寰宇記劉元海築平陽城太

平御覽引和苞漢趙記石勒攻平陽小城是前趙築城

置都時已有改易故此言故城也在今臨汾縣西南御

覽三百三十六和苞漢趙記曰光初二年石勒召幽冀

之眾十餘萬人造攻車飛梯攻平陽小城今上遣騎萬

五千曳柴揚塵噓於山谷尋汾州向平陽內外擊之勒  
師遺案和苞所記卽指是役苞爲劉氏之臣故云勒遺  
載記據石氏之史故云雜戶降勒互相牴牾證之劉曜  
載記亦云石勒怒甚增兵攻靳明明敗明率平陽士女  
萬五千歸于曜曜命誅明可知此戰確爲巴帥及諸羌  
石氏勝而劉氏敗也和苞之言殆非實錄

羯降者十餘萬落徙之司州諸縣準使卜泰送乘輿服  
御請和勒與劉曜競有招懷之計乃送泰于曜使知城  
內無歸曜之意以挫其軍勢曜潛與泰結盟使還平陽  
宣慰諸屠各勒疑泰與曜有謀欲斬泰以速降之諸將  
皆曰今斬卜泰準必不復降就令泰宣漢要盟于城中  
使相率誅斬準準必懼而速降矣勒久乃從諸將議遣  
之泰入平陽與準將喬泰馬忠等起兵攻準殺之推斬

明爲盟主遣泰及卜立奉傳國六璽送于劉曜勒大怒

遣令史羊升使平陽責明殺準之狀明怒斬升勒怒甚

進軍攻明明出戰勒擊敗之枕尸二里明築城門堅守

不復出戰勒遣其左長史王脩獻捷于劉曜

魏書石勒傳作遣兼

左長史王脩主簿劉茂獻捷於曜案下文云遣王脩等來及曜斬脩劉茂逃歸則此句誤脫劉茂無疑魏書不

誤也晉彭城內史周堅

元帝紀作周撫

害沛內史周默以彭沛降

于勒石季龍率幽冀州兵會勒攻平陽劉曜遣征東劉

暢救明勒命舍師于蒲上靳明率平陽之眾奔于劉曜

曜西奔粟邑勒焚平陽宮室

魏書石勒傳下有置戍而歸一句

使裴憲

石會脩復元海聰二墓收劉粲已下百餘尸葬之徙渾

儀樂器于襄國劉曜又遣其使人郭汜等

御覽三百八十二引十六

國春秋前趙錄曰郭汜字子遊上郡人也父士為縣卒隨巫而遇一女子於路巫曰此女生貴子君亦有貴子可相納之當與君門士納之生記長不滿七尺醜極時當朴訥無慧後為縣卒感憤游學師事安平趙孔曜曜見而偉之曰此生有公骨其當貴達持節署勒太宰領大將軍進爵趙王

增封七郡并前二十郡出入警蹕冕十有二旒乘金根

車駕六馬如曹公輔漢故事夫人為王后世子為王太

子勒舍人曹平樂

魏書石勒傳作王脩舍人曹平樂

因使留仕於曜言

於曜曰大司馬遣王脩等來外表至虔內覘大駕彊弱

謀待脩之返將輕襲乘輿時曜勢實殘弊懼脩宣之曜

大怒追汜等還

魏書石勒傳作追還策命

斬脩于栗邑停太宰之授

劉茂逃歸言王脩死故

案當從魏書石勒傳作死狀

勒大怒誅平樂

三族

魏書石勒傳作誅曹平樂父兄夷其三族

贈脩太常又知停殊禮之授

怒甚下令曰孤兄弟之奉劉家人臣之道過矣若微孤

兄弟豈能南面稱朕哉根基既立便欲相圖天不助惡

使假手靳準孤惟事君之體當資舜求瞽瞍之義故復

推崇令主齊好如初何圖長惡不悛殺奉誠之使帝王

之起復何常邪趙王趙帝孤自取之名號大小豈其所

節邪

御覽一百二十引十六國春秋前趙錄作豈爾所呼耶

於是置太醫尙方御

府諸令命參軍鼂讚成正陽門俄而門崩勒大怒斬讚

既怒刑倉卒尋亦悔之賜以棺服贈大鴻臚平西將軍



祖逖攻陳川于蓬關石季龍救川逖退屯梁國季龍使  
揚武左伏肅攻之勒增置宣文宣教崇儒崇訓十餘小  
學于襄國四門簡將佐豪右子弟百餘人以教之且備  
擊柝之衛置挈壺署鑄豐貨錢河西鮮卑日六延叛于  
勒石季龍討之敗延于朔方斬首二萬級俘三萬餘人  
獲牛馬十餘萬孔萇討平幽州諸郡時段匹磾部眾饑  
散棄其妻子匹磾奔邵續曹疑遣使來聘獻其方物請  
以河爲斷桃豹至蓬關祖逖退如淮南徙陳川部眾五  
千餘戶于廣宗石季龍與張敬張賓及諸將佐百餘人  
勸勒稱尊號勒下書曰孤猥以寡德忝荷崇寵夙夜戰

惶如臨深薄豈可假尊竊號取譏四方昔周文以三分  
之重猶服事殷朝小白居一匡之盛而尊崇周室況國  
家道隆殷周孤德卑二伯哉其亟止斯議勿復紛紜自  
今敢言刑茲無赦乃止勒又下書曰今大亂之後律令  
滋煩其採集律令之要爲施行條制於是命法曹令史  
貫志造辛亥制度五千文施行十餘歲乃用律令晉太  
山太守徐龕叛降于勒石季龍及張敬張賓左右司馬  
張屈六程遐周家祿校勘記曰張屈六卽十八騎中支屈六支張聲轉之誤文武等一  
百二十九人上疏曰臣等聞有非常之度必有非常之  
功有非常之功必有非常之事是以三代陵遲五伯迭

興靜難濟時績侔睿后伏惟殿下天縱聖哲誕應符運  
鞭撻宇宙彌成皇業普天率土莫不來蘇嘉瑞徵祥日  
月相繼物望去劉氏威懷于明公者十分而九矣今山  
川夷靜星辰不孛夏海重譯天人係仰誠應升御中壇  
卽皇帝位使攀附之徒蒙寸尺之潤請依劉備在蜀魏  
王在鄴故事以河內魏汲頓丘平原清河鉅鹿常山中  
山長樂樂平十一郡并前趙國廣平陽平章武渤海河  
閒上黨定襄范陽漁陽武邑燕國樂陵十三郡合二十  
四郡十六國疆域志曰河內郡領縣十野王州懷平皋  
河陽沁水軹山陽武德溫汲郡領縣六汲朝歌共  
隆慮獲嘉修武頓邱郡領縣四頓邱繁陽陰安衛平原  
國領縣九平原高唐茌平博平聊城安德西平般南清

河國領縣七清何武城繹幕貝丘靈鄒棗強鉅鹿國領  
縣四慶陶傳駕鉅鹿廣阿常山郡領縣八眞定石邑井  
陘上曲陽蒲吾南行唐靈壽九門中山國領縣八盧奴  
魏昌新市安喜蒲陰望都唐北平長樂國領縣四信都  
下博扶柳經樂平郡領縣四上艾壽陽韓陽樂平廣平  
郡領縣十二廣平邯鄲易陽武安涉曲梁列人肥鄉臨  
水廣平賧斥漳平恩陽平郡領縣七館陶元城清淵發  
干東武陽陽平樂平章武郡領縣四東平文安章武東  
州勃海郡領縣十南皮東光浮陽饒安高城重合東安  
蓀廣川阜城何閒國領縣六樂城武垣鄭易城中水成  
平上黨郡領縣八潞屯留壺關長子佐氏高都銅鞮襄  
垣范陽郡領縣八涿良鄉方城長鄉道故安范陽容城  
漁陽郡領縣六漁陽潞安樂泉州雍奴狐奴武邑郡領  
縣四武邑武遂武強觀津燕國領縣五薊安次昌平軍  
都廣陽樂陵國領縣五厭次陽信漯沃新樂樂陵又日  
新興郡趙國二十四郡內有定襄郡無新興郡疑後所  
改

戶二十九萬爲趙國封內依舊改爲內史準禹貢魏

武復冀州之境南至盟津西達龍門東至于河北至于

塞垣以大單于鎮撫百蠻罷并朔司三州通置部司以  
監之通鑑晉紀注曰晉未嘗置朔州此罷朔州未知誰所置也伏願欽若昊天垂副  
羣望也勒西面而讓者五南面而讓者四百僚皆叩頭  
固請勒乃許之

晉書斟注卷一百四